



Caderno da crítica

Cuestionario Proust: Elena Gallego

[Ramón Nicolás 5 Xaneiro 2014](#)

<https://cadernodacritica.wordpress.com/2014/01/05/cuestionario-proust-elena-gallego/>

1.– Principal trazo do seu carácter?

– Considérome unha persoa tenaz, ás veces teimuda.

2.– Que calidade aprecia máis nas persoas?

– A lealdade.

3.– Que agarda das súas amizades?

– Precisamente iso, lealdade.

4.– A súa principal eiva?

– O tempo e a memoria, nunca son abondo.

5.– A súa ocupación favorita?

– Escribir e viaxar, mellor se poden ser as dúas cousas á vez.

6.– O seu ideal de felicidade?

– Compartir o recendo dun novo libro acabado de chegar do prelo coas persoas que máis quero. Se a cheminea está acendida, mellor.

7.– Cal sería a súa maior desgraza?

– Prefiro non mencionar ao demo, non vaia ser...

8.– Que lle gustaría ser?

– De maior? Escritora.

9.– En que país desexaría vivir?

– Despois de visitar medio mundo, teño a cousa ben clara: en Galicia, por suposto.

10.– A súa cor favorita?

– Para vestir, negro. O meu mundo, verde e azul.

11.– A flor que máis lle gusta?

– Os tulipáns. Pero colecciono rosas.

12.– O paxaro que prefire?

– As pitas.

13.– A súa devoción na prosa?

– Teño varios autores “favoritos”, pero aínda non atopei a pluma que me conquiste neses termos. Aínda me queda moito por ler, así que seguirei buscando.

14.– E na poesía?

– Hai varias autoras galegas que me gustan.

15.– Un libro?

– O dicionario. Todos. Imprescindibles.

16.– Un heroe de ficción?

– Robin Hood. Mágoa que sexa un personaxe de novela.

17.– Unha heroína?

– Carapuchiña Vermella. Eu, cando nena, quería ser valente coma ela.

18.– A súa música favorita?

– Vai por tempadas. Agora que estou revisitando os meus tempos de traballo na radio, ando ancorada nos éxitos dos anos oitenta e noventa.

19.– Na pintura?

– Leonardo.

20.– Un heroe ou heroína na vida real?

– Esa muller anónima que, sen cartos, sempre atopa recursos para poñer un prato quente na mesa.

21.– O seu nome favorito?

– Catarina. Era o da miña avoa.

22.– Que hábito alleo non soporta?

– A falta de hixiene persoal.

23.– O que máis odia?

– Que me fagan perder o tempo.

24.– A figura histórica que máis despreza?

–

25.– Un feito militar que admire?

–

26.– Que don natural lle gustaría ter?

– A ubicuidade.

27. – De que maneira lle gustaría morrer?

– Sen decatarme.

28.– Cal é o seu estado de ánimo máis habitual?

– Ocupada.

29.– Que defectos lle inspiran máis indulxencia?

– Os dos cativos.

30.– Un lema na súa vida?

– Seguro que podes facelo mellor, así que borra iso e comeza de novo.